

中華郵政特准掛號認爲新聞紙類

民國十四年七月初十日出版

(第十九期)

紹興醫藥月報

總發行所

紹興城內
石門檻

紹興醫藥月報社

◀ 第七號 卷二第 ▶

中華民國十四年夏正七月初十日出版

紹興醫藥月報第二卷第七號（即第十九期）

本報編輯員

【總編輯】杜同甲

【副編輯】何廉臣

【分編輯】胡瀛嶠 周越銘

楊質安 胡寶書 傅伯揚

王邈達 單遠鄉 陳樾喬

汪竹安 楊厚栽 錢少楠

徐仙槎 王鐵如 高芷沅

蔣彬臣 何幼廉 何筱廉

潘文藻 田康濟 汪詠裳

徐秋生 胡思範 李養和

編輯所

浙江紹興城內宣化坊
紹興醫藥月報社

總發行所

浙江紹興城內石門檻
紹興醫藥月報社

分發行所

浙江紹興城內大街
天芝堂藥號

印刷所

浙江紹興城內小教場
紹興印刷局

名譽贊成員

盛賜仲君

姜證禪君

薛軼塵君

徐叔蓀君

王叔梅君

王子裕君

張天漢君

陳秉衡君

張琴蓀君

鮑菊谷君

錢聿聲君

胡坤圃君

俞少村君

胡雨湘君

姚曉澄君

姚偉澄君

朱閬仙君

平宜生君

胡思疚君

胡隱煥君

謝杏田君

陶仲安君

陶叔祥君

蕭叔明君

張榮堂君

陳子英君

朱鞠堂君

朱仲華君

章天覺君

名譽編輯員

章太炎君

史介生君

楊如侯君

張壽甫君

楊孕靈君

吳玉純君

袁桂生君

周小農君

陸晉笙君

孫伯康君

張壽頤君

胡天宗君

王肖舫君

楊燧熙君

裘士東君

惲鐵樵君

傅嬾園君

時逸人君

張汝偉君

徐經才君

何公旦君

高思潛君

張破浪君

華照葵君

沈仲圭君

名譽社員表

震元堂周乾生君

天寶堂蔣宗濂君

上壽堂梁國賢君

天芝堂沈企周君

利生堂林子膺君

光裕堂張丙陽君

老三瑞羅懷邦君

天益堂潘文濤君

天祿堂林炳水君

至大號葉鴻章君

仁德堂陳寶仁君

丁裕昌丁星階君

以上皆紹城大藥店各經理熱心公益每年認經費洋十二元正共圖醫藥之推廣

民國十四年本報第二卷第七期目次

論文 傳染病之源流 吳錫璜 論交通便易傳染之酷虐 吳瑞甫 對於

用施德之神功濟衆水者之感言 黼堂 瘧症論 鎮江楊燧熙

天癸新詮 沈仲圭 疲藥殺人論 周纘先著 李斐如錄 續倫脫

根放射線(俗稱愛克司光線)之通俗談 哈

學說 女科學箋疏 蘭溪張壽頤 錢氏小兒藥證直訣義疏 嘉定張山雷

錢氏產科驗方 錢少楠編 壽祺校錄 新解兒難 何幼廉編

醫案 志誠堂醫案 鹽山張壽甫撰 遇安齋醫案 廣東劉蔚楚撰

雜錄 治療述異初編 廣陵徐召南

問答 治痘問答 許夢蘇撰

近聞 上海擬設醫師公會事 錄晶報 產生異胎之怪聞 錄紹興新聞

介紹吳氏中西脈學講義

此書係閩泉州同安吳黼堂先生撰述。擇其精切有據。足徵實用者。參諸西說。以會其通。舉凡常法變法。新久病法。及察脈各玄機。大率皆舊訣所未見及之作。鑑別甚精。體例亦善。足爲近今中醫學校教授之善本也。

總發行所上海文瑞樓 定價每部大洋八角

介紹張氏中風斟詮

此書係蘭溪中醫學校教務主任張壽頤先生撰述。其學說融貫古今。溝通新舊。剝膚存液。崇實黜華。爲治中風者定一標準。本社同人。固多欽佩。廉臣尤贊其學雖參西。方選國粹。閱報諸君。諒必先覩爲快焉。

總發行所蘭溪中醫學校 定價 官堆紙每部一元五角 重太紙每部一元

傳染病之源流

吳錫璜

史記曆書堯立羲和之官。明時正度。民無天疫。周禮夏官方相氏。以索室
毆疫。所謂疫即傳染病也。月令呂氏春秋。俱云民大疾疫。足見傳染病之
沿門闔境相同也。論衡云。春秋之時。敗績之軍。死者蔽草。尸且萬數。
溫氣疫癘。千戶滅門。魏曹植云。建安二十二年。癘氣流行。家家有僵尸
之痛。室室有號哭之聲。或闔門而殮。或覆族而喪。以見傳染病之可畏。
吾人不可不講求撲滅之方法也。我國檢疫方法。自昔國家不重其事。死亡
枕籍。良堪浩歎。晉咸寧元年十一月。京都疫死者十萬人。元至大元年春
。紹興慶元台州疫死者二萬六千餘人。明永樂六年正月。江西建昌撫州福
建建寧邵武。疫死者七萬八千四百餘人。八年冬邵武大疫。死絕者萬二千
戶。正德元年六月。湖廣平溪清涼鎮遠偏橋四衛。大疫死者甚衆。傳染病

之酷虐如此。以見檢疫殺毒。固國家應有之權力。而醫學家又有當負之責任也。人民愈繁庶。則傳染亦愈酷虐。考吳震芳談往云。崇禎十六年八月。京城內外病瘍瘡。貴賤長幼。呼病即亡。有一民家合門俱殂。其室多藏。僮兒二人。一俯屋簷。一入房門。將衣飾疊包遞上。在簷之手。包積於屋。已累累下。賊擎一包托起。上則俯接引之。上者死。下者亦死。手各執包以相繆。以此見傳染病之確有媒介。觸其毒無不立斃也。清道光間。京師大疫死者。至無棺可斂。屆光緒甲午。鼠疫發生於香港。嗣後各省多所傳染。死者甚慘。人民無防疫智識。醫學家又無成法可以做治。則振興醫學。尤國家與人民均有應負之責任也。

論交通便易傳染之酷虐

吳錫璜

古時閉關而治。人民老死不相往來。所謂傳染病者。僅只一鄉一邑。今則

履垓塹若戶庭。海有航路。陸有鐵軌。空中飛艇。在在有一日千里之勢。

而所謂傳染疫病。直不啻載以俱來。蓋輪路大通。按期可至。朝發崑崙。

夕被南海。暫息亞東。倏逮歐美。蔓延廣。而流行速。未有如今日之甚者

也。綜傳染病之所由事。一由人民染受之有潛伏期。一由貨物運稱傳遞之

感觸。其疫毒之微生體。至微至渺。爲人目力之所不能者。見因舟車便利

。此微生體之傳染於人。遂於無形中媒介之。於是因一隅而達十數行省。

由一人而戕百萬生靈。長吏乏補救之術。醫師窮治療之方。風聲鶴唳。剴

目怵心。噫嘻岌岌乎。其可危哉。是故鼠疫之傳染。昔僅在俄羅斯土倫地

方。今則彌漫大地。而不可收拾矣。霍亂之病。昔在我國最爲劇烈。今則

歐西亦多患之矣。至於肺結核之由啞吡叻而傳染者。今則全球醫學家皆

研究防護之術矣。白喉。昔惟歐美最多。今則我國亦屢發見矣。肺炎。

昔由希臘發生。今則全球佈散甚廣矣。腦脊髓膜炎。昔在歐美每間數年。必流行一次。今則我國亦多染之矣。浪狀熱。(病狀熱。反覆似浪多汗。痠痛關節炎脾大。一由山羊乳之傳染而來。昔惟盛行於地中海。今則爲印度中華小呂宋之風土症矣。一切傳染病。皆由於病原體之增殖。有由人之傳染。因飲食物衣服寢具而媒介者。有由蠅等之昆蟲。體附帶病毒飛集各處而傳布者。有由汽船汽車等之交通機關。及河流等而爲運輸傳染病毒之具者。故商業愈殷盛。交通愈便捷。適足增疫毒傳布之機會。此消毒法預防法之所以爲必要也。

對於用施德之神功濟衆水者之感言

黼堂

方藥以治病也。方藥而有一奇效者。則社會歡迎。嗜用者衆。然因盲從而受其害者。亦更僕難數。此其中有原理焉。蓋既名爲藥。必有偏性。吾人

體氣有偏。然後氣候發生之邪氣。得而中之。邪氣者何。卽西人所謂穢。所謂毒菌是也。一病有一病之體質。卽一病亦有一病之毒菌。是故同一病情。同一黴菌。有以屢試屢驗之方。用之此而效。用之彼而全不效者。此無他。體質方土。有不同故也。夫以古方經數千年之試驗。兼歷代名醫之考求。同一病情。同一藥物。尙難操必效之權。而謂一著名之藥品。遂可觀列病症。無乎不治。不特欺人。自欺實甚。況賣藥者未必知醫。不過取藥品之能提神。能安腦。能去皮膚毒者。藉廣告以極力鼓吹。其中必有一二病之確有效力者。方得盛行於世。人因其一二病之有效力。見其所列治症。遂并其不合用者而亦用之。以致死者接踵。良堪浩歎。去年上海中醫雜誌。曾有禁止便藥之議。蓋有激而言也。夫特效之藥。一藥只能治一二病。從無有一藥而治數十種症者。我國京師大藥房。所刻藥目。概遵古法

。即方下標明治症。具有統系。毫無夾雜。西洋醫亦不乏著名之藥品。若清血毒。若解腸穢。若治淋濁。若補心補胃補腎潤肝。除肺腸結核。大率皆有主治。間有兼症者。亦由其受病之何臟何腑之所兼見。蓋藥品之效能。僅僅有此。況臟腑之功用。截然不同。體質之偏陰偏陽。亦隨人而異。僅舉一症。尙難必所投輒效。而謂一藥可治數十症。詎非昧心之論耶。施德之濟衆水。黼堂於十年前。曾取其藥。嘗其氣味。辛冽透發。口舌俱麻。亦贊爲有功力之藥。雖未知其製法。然意其中必有樟菴白蘭地薄荷冰之屬。故能治種種痧毒。有止嘔止痛止瀉之神功。第有發熱者。則不但無效。而益加重。歷年試用如是。故知未可執方治病也。夫以痧毒吐瀉。對症效藥。堪稱累驗。一遇熱霍亂。尙且不合。而謂可以治各種雜病。又將誰欺。憶五六年前。余堂外甥女病熱瘧時。黼堂適他往。延本地蘇醫生視之。

。斷爲瘴疫。投以濟衆水一二滴。頃刻遂兩目上吊。周身熱熾。醫來堅謂該藥水確能治驚風。須再服方醒。復投之。周身躁擾不安。比鄰堂至。欲投以解熱劑。而已無及矣。後於臨症時見他病家誤服。凡屬寒熱瘟疫中風中痰中暑吐血。誤服之其害立見。乃覺市上便藥。其所列治症。多不足信。眞所謂殺人不以刃也。今且就其臚列各病情而研究之。傷風感冒。表症也。病性在肺鼻。水腫水鼓脹。裡症也。病性在心肝腎。天下有一藥而能表裏俱治乎。諸色鼓脹。分各臟腑。用對症療法。尙有效有不效。甚且有宜施剖割手術者。而謂此藥可以總治。有是事乎。傷寒爲大症。傳變甚速。雖極老手名醫。尙有困難之感。考仲師論。病且分三百九十七法之多。乃明目張膽。標明傷寒兩字。足見售便藥者之斷非醫家。已不煩言而解。況其所列各症。標明寒痢。可知此藥之涵有熱性。又云醉時鹽湯解。又

可知此葯之確爲麻醉劑。今乃云可治四時瘟疫及鼠疫。得毋助熱添病。又云飲酒過醉。得毋欲令昏醉幾死耶。黼堂前見廈門服胡文虎萬金油之害。曾研究發言。恨不得取其葯而焚之。今於濟衆水之貽害。亦從事駁議。蓋爲活人計。萬不獲已也。惟此水用之於各種急痧。及霍亂吐瀉。確有奇效。又當不沒人善。以告世之用濟衆水者。

痙症論

鎮江楊燧熙

小兒初生。臟腑嬌嫩。筋骨柔軟。如花草之萌芽。氣血薄弱。膽量頗小。怕看異形。怕聞異聲。不可受其驚嚇及涼熱。吸乳勿得多少不均。(俗云若欲小兒安、須帶二分飢與寒、此可作育兒之常識也。一)如大便結燥。可吃清潤之品。(即水菓汁)倘夜分啼哭者。乃熱度過高。由衣被蓋多。或父母熱氣甚重。或日間受嚇。或乳吸過多。脘腹覺脹。每有未飢先食。或乳

吸少。心嘈不舒。胃虛不足也。每見小孩吸乳無節。致消運不及。壅滯不化而成痰。因痰擾氣機而生瘰。亦由未冷先棉。致令陽旺。陽旺則陰虛。但小兒純陽之體。陰液本虛。或間有感寒。常見治斯症者。無分四時。概以冬寒發表套方從事。實屬誤盡蒼生。（如羌獨柴前麻桂蘇豉）甚則攻下宣燥。（如枳檳保赤散）內有巴霜（蒼朴陳夏姜葱）按乳多不運而爲發熱。當調氣宣運。佐以補脾。可達目的。與外感之發熱。治法實有霄壤之分。而于此症何須發表攻下之必要哉。曾見一小兒發熱生瘰。誤爲愚婦。針有數十處。（按針法不明正穴、反傷氣耗陰、）其熱反甚。亦小兒之大劫也。至瘰者。驚也。熱極生風之象也。有因外邪致瘰。有因內部驚嚇致瘰。內部及外邪。均有虛實。故治分補瀉。然小兒之症。易虛易實。因內部致瘰者。與外邪致瘰。不同治法。市上所售散瘰丸散。云稱諸瘰皆宜。故無此理。

真可謂損人利己。騙人錢財。將來必有報應。內部致淫者。心神受其擾亂。肝陽化風。清靈被侮。處以清靜涵養之法。外邪爲瘳者。以清疎宣化之方。此診治兒科瘳症之大略情形也。

天癸新詮

沈仲圭

市井之醫。學識淺薄。類以天癸爲月經之代名詞。與月訊月事。比類而觀。考諸素問。則知其非。上古天真論曰。女子二七而天癸至。任脈通。太衝脈盛。月事以時下。故有子。又曰。丈夫二八腎氣盛。天癸至。精氣溢瀉。陰陽和。故能有子。經文天癸與月事並叙。且丈夫亦有天癸。則月經與天癸。不得混稱也審矣。

昔賢解天癸二字。非謂北方癸水。卽曰天一之真。望文生義。莫明真相。今人或謂陽精陰精。(見中醫雜誌八期天癸原義)或曰命門真陽。(見紹興

醫藥學報十二卷中國胎生學要略 各主一說。無所適從。嘗讀生理學。知女陰之內部。子宮之兩側。有物如囊。色呈蒼白。左右各一。而爲蕃殖器最要之部分者。蓋卵巢也。女子一屆妙齡。身體成熟。卵巢中之格拉夫氏胞。不絕產生卵種。產生既庶。胞乃破裂。所有卵種。由喇叭管輸入子宮。苟逢精蟲。凝結成胎。不遇精蟲。與子宮之積血、黏液。排拽體外。新陳代謝。匝月一次。是即世人所謂月經也。

更查男子。年達二八。內部組織。已臻豐固。睪丸中之精液細胞。遂源源釀造精液。經輸精管而貯於精囊。備生殖之用。然當交媾射出時。尙有攝護液、哥啤兒氏液、與之混和也。

綜上所述而比較之。女性之卵巢。猶男性之睪丸。女性之卵種。猶男性之精液。女性卵種內之胚斑。猶男性精液內之精蟲。女性之喇叭管。猶男性

之輸精管。女性之子宮。猶男性之精囊。女性之月事。爲血液、黏液、卵種、所混合。猶男性之精。爲攝護液、哥啤兒氏液、精液、所融和。兩性生理。纖微悉同。然則天真論所云之天癸。爲男女所共有。與精、經而並提。非卽生理學中之精液與卵種乎。蓋古書文筆簡老。不事詳言。而讀素問者。又信口滑過。未加玩味。遂致輾轉傳訛。積非成是矣。

難之者曰。如子言。男子之天癸。卽精液矣。然天真論旣曰天癸至。又曰精氣溢瀉。非明明二物耶。答曰。精液有廣狹二義。狹義之精液。卽產自舉丸。儲於精囊。含有精蟲之精。亦卽天真論所謂之天癸。廣義之精液。乃精囊、攝護腺、哥啤兒氏腺、三者排出液體之總稱。亦卽天真論所謂之精氣。靈樞決氣篇曰。常先身生。是謂精。經脈篇曰。人始生。先成精。此所謂精。卽狹義之精。蓋人之天癸。與有身俱來。惟必至二八之年。始